



1971  
PB-207  
1600

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and Youth

Broj: 11/03-34-10308-10/20  
Sarajevo, 28.05.2020. godine

**SKUPŠTINA KANTONA SARAJEVO**  
-Ovdje-

**PREDMET:** Odgovor na zastupnička pitanja, *dostavlja se*

Poštovani,

**Zastupnica** u Skupštini Kantona Sarajevo **Segmedina Srna Bajramović** je na 24. Radnoj sjednici Skupštine Kantona Sarajevo, održanoj dana 23.04.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211 i 214. Poslovnika Skupštine Kantona Sarajevo, postavila i sljedeće **zastupničko pitanje**:

„S obzirom da imamo već značajan protok vremena, pitam da li je resorno ministarstvo obrazovanja radilo upitnik/anketu kada je u pitanju analiza realizacije online nastave, u smislu ocjene iste od strane direktora, nastavnika, djece i roditelja u formi nekog izvještaja o radu škola u prvih mjesec dana nove forme nastave.

Konkretno:

- Da li su nastavnici zadovoljni realizacijom nastave?
- Kakve su reakcije učenika?
- Da li je adekvatna tehnička opremljenost?
- Da li imaju adekvatno znanje u smislu kolaboracijskih alata?
- Da li su zadovoljni podrškom ministarstva?
- Koje su to konkretno stvari za koje smatraju da se treba poboljšati?

Povratne informacije izuzetno su nam važne prilikom planiranja i izvođenja nastave, pa bi u tom smislu i ova anketa poslužila kao dobra povratna informacija učitelja i nastavnika vezano uz procese koje vodimo.“

**Odgovor:**

Dostavljamo Vam odgovore na pitanja kako slijedi:

- Analizirajući sveukupnu situaciju kroz sedmične izvještaje škola o realizaciji online nastave i svakodnevnu korespondencije između Ministarstva za obrazovanje, nauku i mlade Kantona Sarajevo i nastavnika možemo reći da je realiziranje online nastave i rad na edukacijskim platformama predstavljao novinu za najveći broj nastavnika. Također, predstavljao je i izazov u profesionalnom smislu. Intenziviranje postavljanja digitalnih sadržaja na platforme, ovladavanje digitalnim vještinama, prezentiranje nastavnih sadržaja učenicima su samo neke



od aktivnosti i obaveza pred kojima su se našli nastavnici. S obzirom da od 12.3.2020. godine traje ovakav način rada, u ovom trenutku možemo konstatovati da su škole pokazale izuzetnu odgovornost, posvećenost u radu i profesionalnost te su adekvatno odgovorili traženim zadacima. Prema informacijama sa kojima raspolaže Ministarstvo, najveći broj nastavnika zadovoljan je realizacijom online nastave.

- Prema izvještajima o realizaciji online nastave, koje škole redovno dostavljaju Ministarstvu, zainteresiranost i motiviranost učenika je na visokom nivou. Aktivnost učenika i prisustvo online nastavi je čak veća nego što je to bilo u redovnom nastavnom proces. Učenici savladavaju gradivo na jedan novi način koji je blizak njihovim interesima i potrebama te online nastava kod učenika podstiče razvijanje odgovornosti, empatije, solidarnosti i snalažljivosti. Učenici su više motivirani za samostalan istraživački rad, samostalno izrađuju digitalni sadržaj i nerijetko pripremaju kratka videa i dostavljaju nastavnicima i ostalim učenicima. Posebno ističemo da su učenici dodatno ovladali informacijsko-komunikacijskim vještinama kroz online nastavu, što će im biti od velike koristi u njihovom daljem obrazovanju.
- U ovom trenutku tehnička opremljenost jeste adekvatna. Na početku je bilo problema koji se ogledao u nedostatku tableta i interneta za učenike iz socijalnih kategorija, ali zahvaljujući udruženjima, Vijeću roditelja, Ministarstvu, pojedincima, pravnim licima za ove učenike nabavljena je neophodna oprema za realizaciju online nastave; i u ovom trenutku, Ministarstvo provodi aktivnosti na nabavci dodatne opreme za učenike i nastavnike.
- Putem webinara izvršili smo edukaciju nastavnika, roditelja i učenika za upotrebu kolaboracijskih alata.
- Od početka realiziranja online nastave, Ministarstvo je uspostavilo neposrednu saradnju sa Udruženjem direktora osnovnih škola, Zajednicom srednjih škola, Udruženjem privatnih škola Kantona Sarajevo, Vijećem roditelja učenika osnovnih i srednjih škola Kantona Sarajevo, udruženjima koja se bave radom sa učenicima s poteškoćama, Samostalnim sindikatom osnovnog obrazovanja i odgoja Federacije Bosne i Hercegovine - Kantonalni odbor Kantona Sarajevo, Sindikatom srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Sarajevo, Udruženjem pedagoga Kantona Sarajevo te drugim relevantnim partnerima u čijoj se direktnoj ili indirektnoj nadležnosti nalazi oblast obrazovanja. Međusobne razmjene ideja, inicijativa i prijedloga su za rezultat imale uspješno realiziranje online nastave. Prema svim pokazateljima možemo reći da su roditelji, učenici, direktori škola i nastavnici su zadovoljni podrškom Ministarstva;
- Prema našem mišljenju potrebno je stručno usavršavanje i edukacije nastavnika u oblasti korištenja digitalnih platformi i izradi digitalnih sadržaja za online nastavu. Također, potrebno je obezbijediti internet konekciju za svakog učenika te ojačati konekciju u svim školama, izvršiti dodatnu nabavku računarske opreme (laptopi, računari, tableti) za učenike i nastavnike u školama.

S poštovanjem,



**MINISTAR**

*Mr. Anis Krijić*

Dostaviti:

- Naslovu;
- Arhivi



web: <http://www.mon.ks.gov.ba>

e-mail: [mon@mon.ks.gov.ba](mailto:mon@mon.ks.gov.ba)

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1

